

आकाशवाणी

खबरां विजय बजाज कोला कोला:-

1. प्रधानमंत्री नरेन्द्र मोदी होर अज्ज नमीं दिल्ली च आर.एस.एस दे शताब्दी बंरे आहले समारोह च हिस्सा लैडन।
2. भारती रिजर्व बैंक आसेआ अज्ज आनी मौद्रिक नीति दा ऐलान कीता जाहग। आर.बी.आई दे गवर्नर संजय मल्होत्रा होर अज्ज बडडलै 10 बजे इस बारै ऐलान करडन।
3. भारत ई.एफ.टी.ए. बजार ते आर्थिक सांझ-भ्याली आहला समझौता अज्जै थमां अमल च आई जाहग।
4. सरकारै, एकीकृत पेंशन योजना गी चुनने दी समें सीमा 30 नवम्बर तगर बधाई दिती ऐ।
5. देसै दे बक्ख-बक्ख हिस्सें च अज्ज दुर्गा नौमीं दा पर्व मनाया जांरदा ऐ।
6. भारत ने गुवाहाटी च आई.सी.सी महिला विश्व कप 2025 दे बरखा करी प्रभावत होए दे पहिले मैच च श्रीलंका ग 59 रनें कन्ने हराई दिता ऐ।

PM-RSS

प्रधानमंत्री नरेन्द्र मोदी होर अज्ज नमीं दिल्ली च राष्ट्रीय स्वयंसेवक संघ दे शताब्दी समारोह च हिस्सा लै रदे न। राष्ट्रीय स्वयंसेवक संघ दी देश दी एकता च भूमिका-सांस्कृति योगदान ते एहदी ँरम्परा गी शताब्दी समारोहें च दर्शाया जा रदा ऐ। प्रधानमंत्री होर इस मौके ँर इक विशेष यादगारी डॉक टिकट ते सिक्का जारी करगंन-जिंदे च RSS दे राष्ट्र लेई योगदान गी उजागर कीता गया ऐ।

<><><><><><>

RBI Monetary Policy

भारतीय रिजर्व बैंक अज्ज अनी मौद्रिक नीति समीक्षा दी घोषणा करोग। रिजर्व बैंक दी वित्तीय नितियें सरबंधी कमेटी दी त्रंऊ दिने दी बैठक कल मुम्बई च शुरु होई जेदे च आर्थिक स्थितियें दा जायजा लैता जाग ते महत्वपूर्ण नीति दरें ँर फैसला कीता जाग। रिजर्व बैंक दे गवर्नर संजय मलहोत्रा होर बड्डलै 10 बजे बैठक च लैते गेदे फैसलें दी घोषणा करगंन। इस घोषणा गी बाजारें-कारोबारें ते नीति निर्माताएं आसेया धरोड़यें बलगेया जा रदा ऐ-कीजे इस घोषणा कन्नै दोआर लैने दी दरें ते समूलची अर्थबवस्था सरबंधी गतिविधियें ँर असर ँोग। अगस्त महीने रिजर्व बैंक दी कमेटी नै रैपो-रेट च कोई बदलाव कीते विजन इसी साड्डे 5 प्रतिशत गै रौहन दिता हा। इस्सलै चला रदी मीटिंग शा ँहले भारतीय स्टेट बैंक दी इक रिपोर्ट च सुझाव दिता गया हा जे रैपो-रेट च 25 बुनियादी बिंदूएं दी कटौती करना ठीक रौहग-कीजे मैहंगाई बदने दी दर नियंत्रण च ऐ ते मौजूदा आर्थिक ँरिस्थितियें मुजब दरें च कटौती कीती जाई सकदी ऐ।

<><><><><><>

EFTA

भारत-यूरोप मुक्त बाजार एसोसिएशन EFTA ते आर्थिक भ्याली समझौता अज्जै थमां लागू होआ रदा ऐ। वन्ज ते बाजार मंत्रालय दे इक ब्यानै मुजब इस समझौते पर पिच्छले बरे 10 मार्च गी नमीं दिल्ली च दस्तख्त होए हे। EFTA इक महत्वपूर्ण क्षेत्रीय संगठन ऐ जेदे तैहत चीर्जे-बस्ते ते सेवाएं दे अंतराष्ट्रीय बाजार च बाद्दा विस्तार करने दे बड़े मते मौकें न। EFTA देशें च आईसलैंड-लिचैन्सटीन ते स्वीजरलैंड शामिल न। स्वीजरलैंड भारत दा इस संगठन दा सभ्भनें शा बड्डा कारोबारी भ्याल ऐ ते दूआ नम्बर नार्वे दा ऐ। ए समझौता इक आधुनिक ते महत्वाकांक्षी समझौता ऐ- जेड़ा भारत आसेया कुसै बी मुक्त बाजार समझौते तैहत पैहली बारी कीता गया ऐ। एदे च निवेश ते रोजगार सृजन लेई वचनबद्धता गी शामिल कीता गेदा ऐ।

<><><><><><>

Interest Rates

लौहकी बचत स्कीमें पर ब्याज दरें च मौजूदा वितीय बरे दी त्री तिहाई च कोई तबदीली नई कीती गई ऐ। इस तिमाई दी अवधि पैहली अक्टूबर थमां 31 दिसम्बर 2025 तककर ऐ। वित्त मंत्रालय दे अर्तगत आर्थिक मामलें दे विभाग आसेया जारी इक सूचना च ए घोषणा कीती गई। एदे नतीजे च पब्लिक Provident Fund दी ब्याज दर 7 इशारिया इक प्रतिशत ते National Saving Certificate पर ब्याज दर 7 इशारिया 7 प्रतिशत गै रौहग। बुजुर्ग नागरिकें दी

बचत स्कीमें ते सुकन्या समृद्धि स्कीम तैहत 8 इशारिया 2 प्रतिशत ब्याज दर उलब्ध रौहग।

<><><><><><>

UPS Date Extended

केन्द्र सरकारै एकीकृत पेंशन स्कीम UPS लेई आखरी तरीक गी होर दंऊ महीने आस्तै बदाई दिता ऐ। मौजूदा कर्मचारी पहले सेवानिवृत होई चुके दे कर्मचारी ते मृतक सेवा निवृत कर्मचारियें दे प्रति जां पत्नी- हून इस बरे नवम्बर तककर 30 UPS दा विकल्प चुनी सकदे न। वित्त मंत्रालय आसेया जारी इक सूचना च दस्सेया गया ऐ जे UPS च हाल च केंई नमें विकल्प शामिल कीते गे न-जिंदे च विकल्प बदलने दी सुविधा-इस्तीफा देने दे लाभ-अनिवार्य सेवानिवर्ति ते टैक्सें च छूट शामिल न। सूचना च दस्सेया गया ऐ जे कर्मचारियें गी बाद्दू समा दिते जाने दी मंग केंई धड़ें आसेया कीती गई जेदे मगरा आखरी तरीक च बाद्दा कीता गया ऐ।

<><><><><><>

Durga Navami

देसै दे बकख-बकख हिस्सें च अज्ज दुर्गा नौमीं दा पर्व मनाया जा'रदा ऐ। दुर्गा नौमी जिसह महानौमी बी आखेआ जंदा ऐ, नराता उत्सव दे 9में ते अखीरे दिन दे रूपै च मनाई जंदी ऐ। अज्ज भक्त, देवी दुर्गा हुं'दे 9में ते अखीरी स्वरूप, मां सिद्धिदात्री दी पूजा करदे न। भक्त, इस दिन कंजक पूजन दा अनुष्ठान बी करदे न ते देवी दुर्गा हुं'दे शा शीर्वाद ते समृद्धि दी प्रार्थना करदे न।

<><><><><><>

ICC Women World Cup (HL6)

भारत ने गुवाहाटी च आईसीसी महिला विश्व कप 2025 दे बरखा करी प्रभावत होए दे पहले मैच च श्रीलंका ग 59 रनें कन्ने हराई दिता ऐ। भारत आसेआ डकवर्थ-लुईस-स्टर्न यानि डीएलएस तैहत दिते गेदे 271 रन्जें दे लक्ष्य दा पिच्छा करदे होई श्रीलंका ने 45 ओवरें ते 4 गेंदें च 211 रन्ज बनाए। भारत ने पहले बल्लेबाजी करदे होई 47 ओवरें च 8 विकेटें पर 269 रन्ज बनाए हे। श्रीलंका ने टॉस जित्तियै पहले गेंदबाजी करने दा फैसला कीता। भारती टीम दी तरफा अमनजोत कौर ने सबनें शा मते 57 रन्ज बनाए। श्रीलंकाई गेंदबाज इनोका रनवीरा ने चार विकेट लैते। मैच बरखा करी प्रभावत होआ, जेहदे चलदे ओवरें दी गिनतरी घटाइयै 47 करी दिती गई। भारत दी दीप्ति शर्मा गी प्लेयर ऑफ द मैच घोशत कीता गेआ। हरमनप्रीत कौर दी अगुवाई च भारती महिला क्रिकेट टीम अने पहले आईसीसी खताब लेई 47 बरें दे इंतजार गी खत्म करने दी कोशिश करग। 2025 महिला विश्व कप, 50 ओवरें दे क्रिकेट टूर्नामेंट दा 13वां संस्करण ऐ जेहदे च 8 टीमां भारत, श्रीलंका, ऑस्ट्रेलिया, इंग्लैंड, न्यूजीलैंड, दक्षिण अफ्रीका, बांग्लादेश ते पाकिस्तान हिस्सा लैडन। एह टीमां भारत च चार ते कोलंबो च इक थाहरै पर राउंड-रॉबिन प्रारूप च 28 लीग मैचें च मुकाबला करडन। भारत ते पाकिस्तान बश्कार मैच अँदे ऐतवारें कोलंबो च खेड्ढेआ जाहग।

<><><><><><>

भारतीय मौसम विभाग नै पूर्वोत्तर भारत-छत्तीसगढ़-आंध्र-प्रदेश-ओड़िसा-सौराष्ट्र ते कश दे मते सारें हिस्सें च अज्ज भारी बरखा दी भविक्खवाणी कीती ऐ। मौसम विभाग नै बिहार-उत्तर-प्रदेश-झारखंड-तेलंगाना-चिछम बंगाल ते अंडमान निकोबार द्वीपों च अज्ज गर्ज-चमक कन्नै अंधी-तूफान दी अनुमान बी लाया ऐ। इयै जनेह हालात गुजरात-मध्य-प्रदेश-मराठवाड़ा-तमिनाडू-पुडुचेरी-कराईकल ते विदर्भ च बी बने सकदे न। मौसम विभाग नै मछुआरें गी 5 अक्टूबर तककर अरब सागर ते बंगाल दी खाड़ी च नैई जाने दी सलाह दिती ऐ।

<><><><><><>

Sewa Parv

“सेवा पर्व” कन्नै सरबंधत टकोहदी श्रृंखला तैहत अज्ज अस ध्यान देआ करने आं जे मोदी सरकारै जी-20 च भारत दी कामयाबी गी किस चाल्ली दस्सेया। 2023 च भारत दी जी-20 अध्यक्षता इक्क ऐतिहासिक उपलब्धी ऐ। वसुधैव-कुटुम्बकम दे सिरलेख कन्नै इनें वैश्विक-एकता ते वैश्विक दक्खन दी आवाज गी बुलंद कीता। एदी मुख्ख उपलब्धियें च अफ्रीकी संघ दा स्थाई मिम्बर बनना-वैश्विक जैव ईंधन गठबंधन दी शुरुआत ते सब्भनें दी सहमति कन्नै नमीं दिल्ली घोषणा-पत्र गी अणाना शामिल ऐ। प्रधानमंत्री नरेन्द्र मोदी होरें आखेया जे भारत दी अध्यक्षता नै सब्भै लौहके देसे गी अणी आवाज दिती ते उनेंगी अणे हितें दी नुमायंदगी करने लेई इक्क विशाल मंच उपलब्ध करोआया ऐ।

<><><><><><>